

甘  
寧  
青  
史  
略

第  
四  
函

廿

字

青

史

記

卷一

甘肅青史略正編卷之三十

己未民國八年春正月吳攀桂率兵駐防清水 葉廷鳳翔與郭堅合其勢甚強據密

於二月初十托汧陽節節進攻十六日至柳林舖距鳳翔十八里時劉鎮華及陝西軍隊  
會齊  
尚未

二月省政府勸民種桑與棉 甘肅農民甚苦白蠶粟禁絕雖遇豐收之歲亦多枵腸之

養生之計衣食  
桑棉並重自西  
人養蠶而江浙  
絲業已盛不而  
行而山陝大布  
又相形見絀矣  
於此急宜謀求  
桑棉之利

以開風氣而厚民生或謂甘肅天氣嚴寒不宜樹桑地性瘠瘠不宜種棉豈知蠶桑政教  
戰在幽風秦隴毗連上氣相似豈宜於古而不宜於今耶棉花出產首數高台鎮番紡織  
習慣自然豈宜於彼而不利於此耶秦州素產繅絲鎮原近多織布風氣漸開已有明徵  
特恐小民未知其利而不能推廣耳昔張詠拔茶植桑見稱前史禹貢厥篚織纈是為細  
綿甘肅地廣民稀各縣士大夫果能察看地勢切實奉行量蠶者氓亦趨亦步十  
年以後將見桑條匝路蠶事漸興木棉發花捍廩未已所獲利益比蠶粟為尤多  
案甘肅產棉之處以高臺為最其次則秦州秦州所屬之秦安縣其地風氣高寒素不產  
棉乾隆時知縣牛連震查得縣南之樊家莊諸家莊坐落三陽川地方舊稱產棉之區又  
縣西川王家峽于家峽等處土性鬆和氣候和暖尚可種棉即差赴秦州購求棉子傳喚  
王于家峽等處居民發給棉子俾如法布種多方培護願種者僅一十一戶嗣於九月間

居民呈稱每種棉一垧計拾梭子棉四五十箇不等碾獲淨花十二三斤之譜且碾出之花毛長色白堪供紡織之用他縣官棉之處當復不少如果善為勸導漸次講習種法日精收利必倍而氓之出量種植或不能如法以為種棉無大利也遂至功敗垂成今之秦安無一種棉者矣而于家峽謝家坪等處婦女頗事紡織織成布疋亦屬可用又攷福建省志閩中地號炎海天氣溫暖土脈疎瀆最宜種植而蠶桑木棉之利則自前清乾隆時知府李拔創之拔蜀人也先守福州曾於署內飼蠶以民間之不種棉也怪之詢諸父老則曰土地非宜又於署內試種屢試有效閩民羣起而種之然後知甘地宜桑與棉而不桑不棉者非地之過也開先無人而種植之道不講也附錄李太守種棉說予嘗北抵幽燕南至楚粵東游江淮西極秦隴足跡所經無不衣棉之人無不宜棉之地入口之家種棉一畦歲獲百斤無憂寒暑棉性喜燥忌濕宜種山皮沙磧間生後鋤三次長尺許則開黃花謝結實如桃又十餘日實開棉出有頭花中花尾花之別綿綿不絕是種棉之士各省皆宜又上海田畝共六千八百五十二頃種棉之田數居其七黃宗堅種棉實驗說其大要有四一曰土宜種棉之地約分兩等一曰無存熱之地一曰有存熱之地有存熱之地有種油菜蠶豆麥草等之別其山有爛沙狗肝鐵屑泥等名於此種棉宜細審土宜上有肥瘠泥有粘鬆所貴因地制宜不可拘執或法無存熱之地亦然二曰鋤花棉田貴勤鋤黃霜之際芒種夏至之交雨後上實急須鋤鬆防旱益須及早鋤去多本令成單株若雙株同科結鈴反遜也三曰摘頭棉宜摘頭較其盈絀之數一畦之中棉子均勻南畝摘頭北畝不摘頭逐年試驗摘頭者約多收二三斤不摘頭之棉梢梗易長去地愈高力不足而鈴多落收數之懸殊職是故耳四曰選種滬上素不講棉種自陸春江知上海縣時曾勸民種黑核洋棉收數較多以尋常棉種軋出之絮兩兩比較每百斤

王道成蘭州府志  
代舉蘭州府志  
百六十七株  
絲二一七斤  
兩八錢棉五斤  
六兩七錢則  
蘭州植棉明時  
多耳已開特不

約可多得錢一千有餘是棉種不可不講也宗堅自謂食力  
於農三十年於此閱歷久則有得於心種棉特其一端耳

慕壽祺曰蘭州試種棉花有成有不成者蓋局部問題非普通能種也總之關乎地氣之  
溫暖天溫暖之地背枕山面對黃河中有沙上陽光注射所種之棉自易成熟其無山遮  
攔處陽光散而不聚欲棉之開花難矣地氣之關係如此老農不知聽  
水聲之有無以卜棉花之能成與否猶是隔靴搔癢不明其所以然耳

### 西人聽經於西甯塔兒寺

為學藏族  
語言也

慕壽祺曰民國成立以還外國僧人遊歷青海參觀各寺院來者非一人矣有問之者自  
言非外交家之祕密偵探亦非地理上之探險家生平宗旨欲使中外兩地之人以佛教  
互相聯絡同登覺岸此次西來為求密宗之真言非有他意也有清末葉日本僧人河口  
慧海遊歷西藏所言亦復如此夫泰東西方外之人皆具國家思想作萬里遠行豈真遁  
跡空門忘情  
世界也哉

### 狄道重修洮河隄

洮水出西傾山下經行一千餘里逾狄道至劉家峽入於河而狄道之  
城適當洮水回衝洮從城西南來而正其北鈎抱城隍若郤月然自前

清康熙三十年間河道徙洮水遂為狄城患乾隆十一年郡守州牧議浚河故道築隄防為  
保障計上其狀巡撫黃廷鈺請於朝詔可十一年春三月狄道州管某承役董工乃相乃  
營塞新河鑿故河利水道殺水怒為水車以驅水為木倉實石其中以固水為小壩以滾  
水為大壩長隄以障水凡浚河身深五尺引之而長為二百六十八丈闊之為丈三十四



凡工材用公帑銀四千七百六十兩有奇甫期月而告成於是洸水去城根沿山下唯唯  
與謀曰洸水之復爲狄城患也劇矣常此因循久之則工程更鉅乃聞於大吏請發帑重  
修大吏以庫帑空緩之狄城因無隄故歲不常厥甯沿河田畝變爲荒蕪皇皇走相告曰  
萬隄基址尙在今不修後世必爲子孫憂聞官與紳所爲吾儕慮告子孫計者至深且周  
竭我脂膏亦所甘心甯待公家帑耶乃就地籌款決議重修至是興工以楊瑞昌董其役  
案乾隆十一年秋巡撫黃廷錕以築隄工告成奏於朝朝復議季修之法中保固之例俾  
官具柳梢木椿諸隄料毋漁諸民俾民二千七百戶三男子一夫毋不平於官此次重修  
力求堅固將爲億萬年無疆休於是役戶出夫按畝攤款父誥其子兄勉其弟閱數年績  
用弗成而督工者日益嚴民不堪其苦同念先朝河堤之役功成一月中五尺童子歌舞  
出樵牧無望洋  
驚何其盛哉

洸惠二字妥當  
之至因予爲曰  
仍舊貫可也何  
必改作

又案民十七年三月國民軍司令劉郁改狄道爲臨洸縣後三年臨洸民衆又在南鄉  
店子街起引水入洞行十里許水由地面流出經東山麓灌旣南鄉北鄉暨洸河以東田  
地渠身長五十里名曰洸縣規模粗具事爲全國經濟委員會所聞派技正何之泰帶工  
程測量隊來甘與甘肅省政府合辦旋由臨洸紳士劉乾等組織工程委員會向經委會  
借款大修更名曰民生何之泰除繪圖外無所事事久之則任意需索濫派  
民夫被民衆呈控省政府委查屬實何之泰撤差又派劉某接辦亦鮮成績  
慕壽祺曰岷崙以東隴山以西名川巨浸助黃河爲神靈氣勢者以十數僅洸爲大而禹  
貢不見洸水或謂西傾因栢是來桓其洸之訛歟蓋洸源出西傾山由番地經行一千餘

里逾狄道入劉家峽歸於河而狄之爲城適當洮水回衝非築隄防爲保障計民其魚乎昔靳文襄公輔謂禹貢九澤旣陂陂卽後世之隄然則狄道之隄又烏可須臾緩哉

### 夏四月西甯於玉樹都蘭設理事增重兵

防英人之謀占青海也初外部與英使磋商藏界始末將崑崙以南當拉嶺以北之

地劃爲內藏中國不設官不駐兵又訓德格以西爲外藏之議政府關於事理罔知所措西甯鎮守使兼蒙番宣慰使馬麒典慶日久且素有權謀於青海叛圖持保守主義不肯輕以與人聞岷崙爭界事向當道力爭略謂當拉嶺以北崑崙以南長二千餘里金沙鴉碧瀾滄之上游皆衍流其中氣候較青海北部爲暖向隸青海版圖可稽今英人巧設內外藏之名艾思敦強執界線問題已爲中藏交涉之爭點川藏前車竟以金沙江口爲界江之西岸如同普武城江卡鹽井均歸衛藏東岸自巴安以南則歸川邊以二三城拱手讓人已喪地千里矣而英人以兵力不及尙未越當拉嶺一步遞以甘肅素所管轄衛藏兵力未至之地割以奉之麒麟以爲不可蓋崑崙以南當拉嶺以北果如英人所議劃爲內藏勢必撤去玉樹駐兵取消已設之官吏不獨墮國家已成之功且孤番民倚信之忱而自玉樹以北如果洛汪什代亥剛咱諸族以及循化貴德迤南之番族皆將輕視民國不可復制緩則剽掠邊鄙急則聯藏入寇非惟河湟無甯日西南國際交涉將更不堪問矣乃於青海南北玉樹都蘭設理事增重兵扼險設防曉諭番族以大義各族皆景從英人志不克逞

案玉樹在西甯西南與川邊接壤陸行二十日可達其地道途平坦而行客究亦無多氣候極寒而小麥仍不能種其土著皆番族歸西甯者二十五族歸西藏者三十餘族其宗

教則服從黃教其官職則有千百戶距西甯遠為教育所不及名存而實亡矣先是光緒三十四年有人應詔陳言請將西甯道移駐玉樹以資鎮懾而事體充都察院不肯代奏民國元年臨時參議院提議請劃西甯為特別區域並請於玉樹駐重兵以防外人窺伺案通過矣惜未見諸實行三年達賴要求獨立英人出而調停以與英毗連之拉薩洗目槍蛇三地方為外藏與西康毗連之巴塘裏塘等地方為內藏並定密約八條後藏班禪聞之恐一經簽印喪失國權領土請駐藏辦事長官轉電政府將陳貽範撤回其事始寢而英人侵略全藏之陰謀未嘗一日忘於是玉樹都蘭離乎免於藏人之窺伺矣

又案玉樹在青海南部縱狹橫廣雜曲鄂穆曲二水之間西康昌都之北河源星宿海之南通天河南北二源合流之西岷曲河東源盡處面積約四十萬方里占青海全部四分之一東與西康之石渠鄧柯同普昌都為界南與類烏齊及前藏納書克等三十九族為界東北與果洛番毗連玉樹二十五族曰囊謙曰拉休曰蘇爾莽曰蘇魯克曰格吉上中下三族曰中壩上中下三族曰迭達曰稱多曰岡察曰安冲曰娘磋曰玉樹四族曰扎武三族曰永夏曰蒙古爾津曰竹節各族皆係土司以囊謙為最大而玉樹四土司本蒙古部族游牧通天河上游番人謂之達木其地當入藏孔道常代表海南各土司支辦供應故在清季西甯案牘率呼海南各土司為玉樹等二十五族久而省去等字為玉樹二十五族遂以專名為公名矣至是玉樹都蘭新設理事後均改為縣此西甯之西路也蓋由西甯西至湟源九十里至都蘭寺七百四十里又西南至大河壩五百零二里至玉樹六

百二十里



唐太宗御製聖  
教序於煇中興  
久矣發見與  
寺又時其嘉賓  
聖教時張動帛  
許太史承堯得  
有寫本記又淨  
於武后與聖二  
年同與清宮  
所藏年久又不  
同

慕壽祺曰英人巧設內外藏之名以窺我青海經此一番波折又名青海以新藏噫事急矣可奈何病已中於膏肓不思有以醫之乃進巫而已疾瘡災盜已入於堂與不思有以殲之乃開門而招賊求講此邊事之所以日棘而甘人之所引為深憂者山玉樹都蘭之設官其能已乎

### 五月教育部派員赴敦煌莫高窟求唐僧又淨所譯經卷

唐高宗咸亨二年辛未遣又淨二藏赴天竺求

經凡閱二十八寒暑至武后聖歷元年夏五月回國車駕御上東門勞詔以所齎佛像經卷皆佛授記寺集衆翻譯又在南海錫蘭島著有寄歸傳三卷與玄奘西域記並傳於世民國初清內閣所藏敦煌經山教育部發交北平圖書館內有人唐中興聖教序武后爲又淨作也其回國所譯經卷久已遺失遣使至敦煌求之

案他書所記製序時代與又淨回國年月亦異先是詔聖元年以晉譯華嚴猶有所缺遣使于闐迎實叉難陀勅於東都大遍空寺與普提流志等再譯法藏渡武等領其事萬歲通天元年詔沙彌法藏開示華嚴宗旨聖歷二年勅法藏於佛授記寺講新譯華嚴武后大有所悟賜號賢首菩薩戒師是又淨同時譯經者有實叉難陀講演者有賢首戒師何以專爲又淨作序

### 六月省政府禁服務人員不許佩金戒指

所以維風化也蘭州市金價甚低赤金一兩易銀三十兩此就金條而言若西甯沙

金銀金每兩易銀二十七十八兩各界服務人員以金之易於購置也往往用爲裝飾品金戒指幾無人不佩矣據案作字諸惑困難大吏出令禁止其略曰戒指者婦人之裝飾品

也古人卽物命名之初要自有深意鄭康成詩箋云后妃羣妾以禮御於君所女史書其日月授之以環當御者着左卽御者着右五經要義云古者后妃羣妾進御於君所當御者以銀環進之娠則以金環退之金環卽今之金戒指也戒指者戒其容止也近時習尚男子皆用之以鬚眉之身效巾幗之飾竊爲諸君所不取近人有新樂府嘲帶金環者云金戒指娠事至示戒乃自宮後始不信堂堂七尺身忘却鬚眉效女子燦然指上誇多金用君之指真富人當筵姆戰誇燦爛據案作字難屈伸勸君此後若作字有貝無貝本兩事能作字者無戒指

慕詩祺曰甘肅風氣古樸富室大家園閣中佩金環者亦不多見也奈何以鬚眉之身反效園閣之飾或曰此甘肅產金之故耳當民國八年銀幣尙未行使黃金白銀均以兩計算黃金一兩易銀三十兩左右計就最貴價值而言之也今則價至一百二十元而佩帶者更多於曠昔豈不可怪也哉

秋七月禁煙專員孫道仁山平涼北上

初國紀元年道仁以革命功任福建都督甫一年卽解職不得已束裝北上候差數年鬱鬱不得志長安米珠薪桂幾不能一朝居適徐大總統時局以西北地居上游有志

開發聞新疆與俄連界處私種罌粟以甘肅爲消貨場欲求一耐勞吃苦者借禁煙之名畫籌邊之策由京師而豫而陝而甘以至蘭州蘭州省城也居甘肅之中亦爲中國之心點切實調查以便進行由蘭州渡黃河而西而涼州而甘州以至酒泉嘉峪關行戈壁歷十八日全哈密由哈密行十日全新疆省城某處宜關商埠某處宜劃兵區某處宜建飛機場某處宜修汽車道漢回之感情若何關內外之風俗若何一一筆之於冊歸而

存諸中央他日開發西北此其大略也久之不得其人以道仁之久賦閒居也艱苦備嘗當不至有負委任乃任爲甘肅禁煙專員道仁五月初至平涼甫入甘境距蘭州尙七百二十里平涼縣請開行期不答鎮道設筵餞道仁坐而言曰苦矣哉其此行乎吾不知西北道路如此其難出京至陝州下火車坐驛車入函谷關日行陷穿中塵沙撲面暮宿茅店燈油擁壁流衣服爲其所汚行十餘日至此困頓極矣擬在此少休息登蛟峒觀黃帝問道處新疆大吏知其在不涼派員進關接洽餽程儀已而天熱甚會甯峽中時聞山水暴發益畏而不敢行至是滿載而歸矣

慕壽祺曰大豪傑無他能耐勞吃苦而已昔林文忠公遣戍新疆二萬里冰天雪地執戟荷戈未嘗言苦後之年位德勳遠不及文忠而巡撫新疆其遭際之順道路之逸官吏之歡迎以視文忠爲何如哉乃猶以爲苦庸庸者無論矣陶勤肅公模由新撫擢陝甘總督與賓客談縷及新疆苦寒之狀一若爲官吏萬不可立之境然此皆前清官僚習氣也若孫道仁者非民國之偉人耶而甘肅省會足未嘗一踐又何論乎新疆

### 蘭州西鄉紳民請重修新古渠未許

先是前清光緒二十四年升允督甘時有知縣薛位者獻策於升允勸得省城西鄉寶貝灣地

方堪以修渠引黃河水溉田三年後可得水地二百餘頃此天地自然之利西北實業之最大者也升允許之以蘭山道彭英甲爲總辦位爲坐辦撥庫帑拾萬於是年秋季動工在馬家灣設辦公處主任委員四人聽差員四十餘人帶工程隊一營僱用石工木工及勞工共五千餘人其動工地點則有上流下流青石關梁家灣馬家灣黑石渡灣而惟青

石關石最多地最險壓斃石工數百食青稞麵漲斃者亦時有所聞歲終總計用過款項十萬金所贖無多而渠工名稱以地在新城四古城之上故名之曰新古渠及宣統元年升允以事去職布政使毛慶蕃護總督聞新古渠工以河低而地高終不能得水之利乃親往查勘果如外人言飭令即時停辦前後共用軍幣一十二萬兩作為以工代賑民國三年督軍張廣建蒞任後查得靖遠南鄉地方距黃河咫尺乃以蘭山道孔憲廷總理之動工數年之久尚未告厥成功省城西鄉紳民以清末新古渠工再低三十里在梁家灣開口則用力少而成功易相與縣名呈請蘭山道署內有靖遠皋蘭同隸蜚幪尙乞一視同仁爲民興利等語道尹孔憲廷據情轉呈省政府附批答云俟派員測量後再行斟酌辦理此舉停頓於無形矣

案前清一代蘭州亦嘗修渠攷其地址則在西鄉崔家崖一帶距城僅二十里又蘭州西五十里地名石佛灣各黃河經此爲北岸石磯所激其勢南移而水頗高開渠導引自然便利又石底可三百步不虞沙潰上崩渠水東下則西柳溝西古城鍾家莊崔家營陳官營高家莊以至袖川上下五十餘里約計千頃地皆可得自然之利明成化間巡撫余子俊欲爲未果宏治間撫按委指揮陽義督役開渠工頗就緒而因有司不以民事爲急務遂廢半途此見於蘭州舊府志者也陳如稷舉蘭縣舊志州西二十里崔家崖州東三里水車園亦有二壩舊址相其形勢不若石佛灣之便利攷康熙五十二年驛傳道田呈瑞捐數千金開石佛灣渠乾隆十三年巡撫黃廷桂修崔家崖渠上下二十里皆迄無成功蓋石佛灣三百步石底之外卽有沙土崩潰之虞崔家崖上下亦如之若鑿石爲渠則所費無算以待後之仁者



郭守敬振興  
水利見後  
實業小學  
成立一修  
後

慕壽祺曰予遊清宮見舊欽天監之元代觀象儀器及地圖等大抵皆郭守敬所造拳禍時爲德人所掠後遵威賽條約還中國觀此可以見十六世紀中國科學之一斑予徘徊久之不忍去何令人之景慕一至於此蓋自古興水利者未有不知天文精數學而能利濟民生者也郭守敬與董文用修濬甯夏漢唐各渠測量之力居多前清末蘭州修新古渠工未經測量冒冒焉從事馴致虛糜庫帑功廢半途古今人之不相及不幾判若天淵也耶

八月督軍遣李中蓮朱繡往拉薩聯絡達賴

勸其傾向祖國也先是光緒十七年達賴爲德爾智所惑有親俄之表示引起

英人野心遂於光緒二十九年構兵拉薩達賴兵敗投俄求救親往庫倫哲布尊丹巴介紹於俄領事電聖彼得堡俄皇遂贈四百騎兵之服裝器械清廷聞知革去達賴名號以後藏班禪兼管前藏並密令庫倫辦事大臣於外蒙古布熱吐地方截住達賴達賴行至中途聞俄爲日本所敗遂請入覲並請派軍隊入藏固防清廷勸達賴回藏達賴遂取道西甯宣統二年冬十月始抵拉薩因素與駐藏大臣聯豫感情不洽意欲翻悔阻兵入藏而是年六月川督趙爾巽已奉廷諭派鍾穎帶一混成旅從打箭爐入藏十二月行抵拉



里達賴聞之調藏兵自拉薩至江達間設防拒漢兵又函約班禪出兵班禪未允經川軍步隊攻擊藏兵不支退迨至距拉薩五里之烏斯江適有隨營委員張鴻升帶步兵數十名出捷徑先抵拉薩藏番奔潰該汗達賴見之心悸請駐藏副大臣溫宗堯上山邀求三條清廷須切實保護人民寺院及黃教寺等溫商之聯豫聯不允達賴乃率同蝦渣卡弄數人順江西走將抵錯木英駐防營長連電倫敦政府得覆電囑妥為保護迭次吉嶺英印度總督接待之是時中國軍隊駐拉薩附近聯豫擅設兵備參謀等處於使署與各省督撫無異並誦羅長椅鍾穎為統領民國元年春羅被殺於藏地之工部聯豫亦被逐鍾穎自任駐藏辦事長官兼統領不善統兵藏人怒受達賴之命斷絕漢人軍商糧餉逾月班禪憐之除自行接濟外又暗令第穆佛寺資綑等隨時救濟先是二年冬月達賴回藏聞川邊出兵大懼令藏番斷絕東道不許華人往還西藏並繼續東侵數年以來達賴受親英派操縱與班禪失和內向無期蒙藏宣慰使馬騏駐兵西甯以青海與藏為鄰達賴為外人所利用陰有窺伺玉樹之心玉樹為西甯門戶不得不預為防範呈請督軍張廣建派員接洽達賴表示親善勿再與祖國為難督軍乃派縣知事李中蓮為專使道經西甯馬騏又派幕賓朱繡同往拉薩

案明永樂間宗喀巴創興黃教達賴班禪二弟子即分駐前後藏清康熙五十七年準噶爾侵前藏達賴避居西甯塔爾寺清命傅爾丹噶爾楠等率兵出青海四川兩路擣藏準噶爾師潰達賴於五十九年九月復位留藏清兵二千戍藏不久撤回雍正七年阿爾布巴亂牛始派大臣正副二人領川陝兵二千分駐前後藏乾隆十五年增駐藏大臣千有五百二十二年伊犁前藏遂無準夷患五十五年廓爾喀犯後藏破廓爾喀兵入其界百六十里廓夷乞降班禪後藏留番兵三千漢蒙兵三千戍藏並定二大臣儀注與達賴

無雲之月有目  
者所快觀也而  
盜賊所忌也鳥  
之威以娛人也  
而感時惜別者  
因之而甘心  
戶口之調養甘  
急要救也而無  
文弄法者因不  
索取賄財此不

班禪平等事權歸一後藏遂無廓夷患自是以後中國西藏相安者一百餘年自民國二年謝國梁通藏攻川川軍將敗經尼泊爾及班禪代表調停漢兵繳械後由廓爾喀司墊款將漢人軍商由印度送回上海達賴遂於是年回藏三年將藏屬之錯那地方送於英國電求英政府准其獨立並請派員會同解決英藏懸案我國政府派陳貽範往英屬之赤母納地方會同達賴要求獨立陳不許

幕壽祺曰中國藩籬所存者西藏耳西藏與青海鄰達賴班禪又為西甯塔爾寺宗喀巴高足弟子清廷尊之曰活佛馭夷之方賴不善戰清失其政西藏多事達賴始而親俄繼而親英介乎大國之間加之一師旅連年奔走及同拉薩事變命於英達賴不知悔悟並欲舉後藏奉之英人何愚之甚也甘肅以青海關係派員聯絡鮮不曰亡羊補牢未為晚也卒之空言無補青海亦岌岌乎治哉

### 警察廳調查蘭州城關戶口

蘭州地處邊陲歷經兵劫戶口之見於往籍者漢書地理志金城郡戶三萬八千四百七十口十四萬九千六百

四十八後漢書郡國志金城郡戶三千八百五十八口一萬八千九百四十七晉書地理志金城郡戶二千魏書地理志金城郡戶二百八十六隋書地理志金城郡戶六千八百

一十八唐書地理志蘭州戶二千八百八十九口一萬四千二百二十六宋史地理志崇甯間蘭州戶三百九十五口九百八十一金史地理志蘭州戶一萬一千三百六十明皋

蘭舊志蘭州戶一千一百七十口六千三百四十二清乾隆二十七年冊報戶六萬二千七百七十六口四十萬五千四百四十六道光十年冊報七萬三千一百七十連皋蘭所屬紅水縣

通要錢而已兩  
年前有別動隊  
焉往在晚十  
點鐘到人家便  
戶口男婦大小  
必一一過目詢  
問多時喧動矣

應肅提督韓  
文曰穿天心出  
月背吾於此文  
亦云

丞在內統計男女大小人口四十六萬七千八百一十六二十二冊報戶七萬五千三百九十九口四十七萬八千六百七十一光緒十三年保中局冊報漢民戶八萬七千二百八十六口四十七萬八千二百九十四同民戶四千八百七十六口二萬四千八百六十三至是實行調查編發門牌戶八萬有零口三十萬不足

幕壽祺曰國所與立者民見左氏傳是故因民之衆寡爲國之強弱孔子式負版

蕭相收圖書有以夫皋蘭爲蘭州附郭之縣土著八萬餘口誠浩穰區設使

編氓漏於國版夫家脫於聯伍則勾通土寇窩藏漢奸爲虎作倭乘間突起

何以能國故不但皋蘭戶口詳細調查凡甘肅所屬種族之殊異均應備考

源流則區分其地之民數而貧富強弱可得而料焉周宣王料民大原今鎮原縣地

### 日本人遊甯夏賀蘭山

同行三人往賀蘭山古寺日日繪圖照像寺僧密報鎮道令夏縣往詢有無護照答曰無問在此何事曰博戲耳鎮道派員邀

至甯夏府城備西餐以宴之座間鎮道顧日本人而笑曰荒山枯寂無可游戲處城內尙有一二人可談日本人不答先是明崇禎八年清兵至賀蘭山今日日本人游歷至此後十

九年日本人占五原賀蘭山前聊以博戲

中國士大夫對  
於前朝掌故不  
甚留心此表載  
明勝野明吳  
非坊間通行之  
書乎無惑乎人  
之不知也而賀  
之山前聊以博  
戲二語今竟成  
其實事

趙簡子使尹  
爲晉陽請曰以  
爲商林乎抑爲  
保障乎商林者  
取民之財如抽  
絲於繭也今之  
苛斂者鮮矣不

明太祖時日本上求通表其文曰臣聞三皇立位五帝禪權豈謂中華之有主焉知夷狄  
之無君乾坤浩蕩非一主之獨權宇宙洪荒乃萬民之糾首故天下者天下之天下也非  
一人之天下也臣居遠疆偏倭小國城池不滿六十座封疆不足二千里故常存知足之  
心而知足當足也臣聞陛下作中華之主爲萬乘之君至尊至上也城池數千餘里封疆  
數萬餘里尙且不足常起絕滅之意天發殺機神號鬼哭地發殺機龍蛇起陸人發殺機  
天地反覆堯湯有德四海來賓周武施仁八方拱手今聞人國有興戰之策小邦有却兵  
之法臣豈肯執途拱奉天顏順之未必其生逆之未必其死今聞陛下選股肱之師起竭  
國之兵來侵臣境賀蘭山前聊以博戲倘君勝臣輸則滿上國之策設若臣勝君輸反作  
小邦之利自占及今講和爲上罷兵爲強免生靈之疾苦救黎庶之艱  
辛年年進貢於中華歲歲稱臣於弱國今遣使臣徑詣丹墀取進止

### 九月財政廳發本省七釐短期公債券

此甘肅第一次之派款也先是民國七年秋  
財政廳廳長袁慶慶以軍政費不足呈請省

政府向各縣大商富戶勸借七釐短期公債規定蘭平銀八十萬兩照七十餘縣分配省  
政府照准未經省議會通過由財政廳通令各縣限期批解以維現狀而濟要需各縣知  
事奉令認爲一種派款並未向大商富戶勸借亦未說明短期公債之償還定有期限於  
是風行雷厲按地畝分攤蚩蚩者氓有賣兒鬻女者矣所謂大商富戶者助官爲虐於財  
廳規定數目外任意增加官紳分肥又恐人民之告發也向財廳多報若干兩謂人民踴  
躍輸將楚令尹毀家紆難漢卜式助餉開邊不是過也人更方營苞苴漁聲妓值朋黨外  
則強鎮擄兵恣睢恐公債未必取盈乃竟源源而來喜出望外某也拔署優缺一次某也  
著紀大功一次不數月公債解清矣通省人民共繳二百萬兩而實收仍落劣紳之手民